

BACK TO THE SIXTIES "ONCE MORE"

Dia 4 di juli, e siguiente fiesta di "Back to the Sixties" di "The Strangers y Aftermath" ta ser dedica na Hubert "Juby" Naar. E organizadornan, e dos agrupacionnan di añan 60 ta duna aki un relato di kico y kende Juby Naar tabata e epoca ey. Juby tabata e Maestro di Ceremonia y Locutor radial mas popular cu cada un di su programanan como exito grandi cu sintonia casi total riba nos isla cerca juventud.

STANLEY ARENDS(Canal

dirigi simultaneamente den añanan 60, "Antillana Fan Club" na Lago Heights, tabata un motor juvenil di Don Bosco Club, tabata president tambe di "Goldfinger Fan Club" di Bonaire Club, introduciendo Brassband den Carnaval cu e club aki, y tabata president di "Centro Juvenil Commandeursbaai", na Savaneta cu su centro den Commandeursbaai Club. Aki e tabata tene fiestanan juvenil, duna lesnan di baile

maestra di school, Nancy de Vries y como cu Mimi tabata un maestro tambe di Square Dance, hunto nos a trece esaki Savaneta e tempo ey". Den San Nicolas Juby tabata e homber di show principalmente den Lago Heights Club. Aki e tabata organiza shownan cada dos of tres siman cu bandanan grandi di Aruba, un periodo cu San Nicolas y Playa tabata manera dos continente apart.


ROBERTO GEERMAN(locutor canal 90): "Como mucha mi ta corda con den Lago Heights Club periodicamente Juby tabata presenta shownan cu Creole Cats, Black Diamonds, The String Breakers, The Tramps, The Strangers, Top Platters cu tabata grupo vocal pa cual e tabata toca piano y despues tabata cantante tambe, Sunbeams, The Four Aces cu tambe tabata grupo vocal. Show na San Nicolas den tur club, bailenan den tur club, actividadnan pa juventud den tur club tabata "Juby Naar" e tempo ey."

Riba tereno di bandanan musical, Juby no tabata solamente e homber di microfono. E tabata trece for di Corsow semanalmente gruponan di, Corsow, hunto cu Emiliano Jansen (difunto awe) y Roy Gibbs (residencia na Merca).

Three Voices, Tel Stars, Dangers, Los Honda djies pa menciona algun tabata bin Aruba nan so of acompaña pa un of dos banda mas, y simultaneamente Juby tabata tin "picnick bailable" pa juventud den Don Bosco Club, Bonaire Club y Suriname Club, despues cu Orquidea Club cu a



Aki por mira Juby mey mey di añanan 60 na Teatro Roxy na Corsow unda el a presenta e campeonato Antiyano di Beatband entre Golden Treasurers di Aruba y Three Voices, gana pa Three Voices e aña ey.



E portret aki ta un di 1965 cu grupo di Baile Studio Aruba tabata prepara y haci ehercicio pa presenta poco despues den un show cultural di baile anima pa Juby na Tele Aruba. Para patras por mira e instructora profesional di baile Sonia Geevers.

90): "Juby tabata e prome Disc Jockey di Aruba, comparable cu e mihorman cu mi a conoce den exterior e tempo ey". E tabata conoce cada artista, cada banda, cada cancion y por a duna relato completo di nan durante su 'Turntable'. E tabata manera idolo di juventud cu su actividadnan juvenil".

Juby tabata skirbi y presenta obranan teatral y presenta nan for di principio di añanan 60 den Cecilia Club y Don Bosco Club na San Nicolas y tabata envolvi juventud den cada actividad.

PEDRO MADURO (redactor deportivo DIARIO): "Juby tabata un persona riba mundo cultural entre e mihorman, tempo mi tabata cu radio, despues cu television, pa mi no menciona mes su logronan den deporte. Como cineasta mi ta corda cu e cineastanan di RVD Corsow, Anthony Douglas y Gilbert Libier, tabata admira su conocimiento di filmacion y cuanto biaha el a bay Corsow pa yuda den traha documentarionan. Na Tele Aruba el a duna curso di Regisseur, produccion y camera y tur di e tempo ey na principio añanan 70, a siña masha hopi di dje. Di tempo cu Cultureel Centrum a perde tur su mapanan di obranan y su filmacionnan, el a disgusta y a keda inactivo riba e tereno aki te awe".

Juby Naar, masha activo den su juventud y pa juventud, tabata

folklorico hunto cu Lang Geerman (difunto awe), Marcial Kock (difunto awe) y cu Mimi Kock. Hunto cu Mimi Kock, el a introduci tambe na Centro Juvenil Commandeursbaai, e bailenan di "Square Dance" cu tabata masha popular na Aruba. Juby Naar: "Mi a siña Square Dance di mama di e conocida



Juby cu Robby Schouten for di tempo di school ta gran amigo y aki por mira momento cu nan ta bay viaha pa otro show den exterior cu a ser presenta pa Juby cu semper tabata cana cu su camera di pelicula Super -8 na Man.

bira e centro.

Cu Robby Schouten amigo di dje for di tempo di school y te awe masha cera cu otro, e tabata presenta shownan na Corsow cu bandanan di Aruba y Festivalnan Antiyano di Beatband. E tabata ademas un di e promotornan grandi di periodo di "Shindig" na Aruba e periodo ey.

Fuera di Aruba, Corsow y Bonaire, el a presenta shownan ademas na Venezuela den Club di Shell na punto Fijo, y den varios hotel na Caracas, na WAPA television di Puerto Rico, y na Hulanda den Rai Gebouw.

Cu television hulandes durante su estudio el a traha como estudiante cu artistanan di mas grandi e tempo ey y a asisti como estudiante na filmacion di opera Aida na Alemania cu 3000 figurante. Dos di su filmacionnan di Hulanda a yega di wordo presenta na Tele Aruba: "Oost West Thuis Best" y "Stereotypie" cu a kima den archivonan di Cinecentrum na Hilversum despues.

D E M E T R I O MADURO(Director Tele Aruba): "Juby a yega di encarga su mes cu programa di Cultura y Educacion, durante vacation grandi di Sr.Hubert Booi di e departamento, y a trece un revolucion den programan cultural na Tele Aruba mey mey di añanan 60. Juby a traha masha hopi artista. Saca nan di nada y haci nan grandi.

Cu Tele Aruba cu un solo camera, Juby tabata pone trahadornan di Tele Aruba usa cada skina di e edificio pa presenta programa. El a yega di transforma baño pa bira oficina di avion, usa booth chiquito pa pasaheronan aglomera, usa camber di control como centro di control y toren di aeropuerto, y reparti studio den balinan di aeropuerto, cantina y skina pa banda musical y artistanan. Tur esey intercambia cu slides y portret cu tabata e unico manera pa switch di un pa otro. E tabata maestro den esaki. Hunto cu Director Sonny Salas, tabata intencion di filma documentarionan riba tur tereno cultural di Aruba. E scriptnan e tin ainda, pero no a filma sperando mihor desaroyo di Video.

El a duna les na Tele Aruba, den traha programa di television, dirigi programa di television, con pa usa camermanan, y luznan den studio, y henter personal a probecha y siña hopi di esakinan. Juby ta mas artista cu hopi hende ta kere!"

Pa skirbi riba Juby Naar lo por yena un buki di su logronan riba tereno cultural. Riba pregunta di organizadornan di Back to the Sixties encuanto esaki e ta bisa discretamente: "Mi a siña masha di Julio Maduro (difunto awe), di Hubert "Lio" Booi, y di Ito Tromp cu kende mas di 40 aña mi ta bati cabez.